



Joint Council for  
Qualifications

**Rheoliadau Cyffredinol ar gyfer  
Canolfannau Cymeradwy**

**1 Medi 2023 hyd at 31 Awst 2024**

**At sylw penaethiaid canolfannau,  
uwch arweinwyr o fewn ysgolion a cholegau a  
swyddogion arholiadau**

Cynhyrchwyd ar ran:



©JCQ<sup>CIC</sup> 2023

Cyhoeddwyd gyntaf yn 2023 gan  
Y Cyd-gyngor Cymwysterau<sup>CIC</sup>

E-bost: centresupport@jcq.org.uk

Ar gael yn Saesneg ar ffurf pdf o:  
<https://www.jcq.org.uk/exams-office/general-regulations>

Anogir canolfannau i gyrchu'r fersiwn rhyngweithiol o'r ddogfen hon gan ddefnyddio'r Porth Gweinyddu Canolfannau (CAP). Mae'r CAP ar gael drwy unrhyw un o wefannau allrwyd diogel y cyrff dyfarnu.

## Cynnwys

<b>Newidiadau allweddol ar gyfer 2023-24</b>	1
<b>1. Gwybodaeth am y rheoliadau hyn</b>	2
<b>2. Pwy ddylai ddarllen y rheoliadau hyn</b>	5
<b>3. Y cytundeb rhwng canolfannau a chyrrff dyfarnu</b>	6
Darpar ganolfannau	7
Statws y ganolfan	7
Cyfrinachedd	8
Cadw gwaith ymgeiswyr	9
Cyfathrebu	10
<b>4. Cyfrifoldebau cyrrff dyfarnu</b>	11
Cefnogaeth weinyddol i ganolfannau	11
Cyhoeddi canlyniadau a thystysgrifau	12
Adborth i ganolfannau	12
Cefnogaeth pwnc-benodol i ganolfannau	12
<b>5. Cyfrifoldebau canolfannau</b>	13
Rheolaeth canolfannau	13
Trefniadau mynediad ac addasiadau rhesymol	17
Cofrestriadau	18
Gwaith a asesir gan y ganolfan	20
Gwybodaeth i ymgeiswyr	20
Cynnal arholiadau ac asesiadau	21
Camymddwyn	22
Canlyniadau	22
Gwasanaethau ar ôl y canlyniadau ac apeliadau	22
Tystysgrifau	23
<b>6. Data personol, rhyddid gwybodaeth a hawlfraint</b>	24
Data personol	24
Rhyddid gwybodaeth	25
Hawlfraint	25
<b>7. Manylion cyswllt</b>	27

## Newidiadau allweddol ar gyfer 2023-24

Rhif dudalen	y	Adran	Paragraff	Crynodeb o'r newid
2		1	1.3	Eglurhad o'r adrannau y mae'n rhaid i benaethiaid canolfannau fod yn gyfarwydd â nhw.
2			1.6	Ychwanegu cymwysterau pellach y mae'r Rheoliadau Cyffredinol yn berthnasol iddyn nhw.
3			1.11	Gofyniad ychwanegol i benaethiaid canolfannau ymateb yn brydlon i geisiadau gan gyrrff dyfarnu.
4		2	2.3	Manylion pellach ynghylch rôl pennaeth y ganolfan.
11		5	5.1	Gofyniad i ganolfannau fod â rheolaethau priodol i ganiatáu i ddata cywir gael eu cyflwyno i gyrrff dyfarnu.
11			5.3c	Gofyniad i swyddogion arholiadau fod â digon o amser i gyflawni eu rôl.
11			5.3f a g	Gofynion estynedig am drefniadau llywodraethu allanol a mewnol mewn canolfannau.
13 ac 14			5.3z	Polisiâu ychwanegol y mae'n rhaid i ganolfannau eu cael i'w harolygu.
16			5.6f	Manylion ynghylch pa ymgeiswyr y dylid eu cofrestru fel ymgeiswyr preifat.
16			5.6g	Gwybodaeth ychwanegol am gofrestriadau lluosog a ganiateir ar gyfer manylebau Celf a Dylunio.
16			5.6	Gofyniad y dylid defnyddio enwau gwiriadwy ar gyfer cofrestru ymgeiswyr.

# 1 Gwybodaeth am y rheoliadau hyn

- 1.1 Lluniwyd y rheoliadau hyn er mwyn sicrhau bod uniondeb a diogelwch y system arholiadau/asesu yn cael ei gynnal bob amser ac nad yw'n cael enw drwg. Mae'r rheoliadau yn cadw at ofynion y rheoleiddwyr arholiadau yng Nghymru, Lloegr, Gogledd Iwerddon a'r Alban.
- 1.2 Dylai canolfannau nodi bod unrhyw gyfeiriad at 'CGC' neu 'Cyd-gyngor Cymwysterau' yn y ddogfen hon yn golygu CGCCIC neu Cyd-gyngor Cymwysterau<sup>CIC</sup>.
- 1.3 **Rhaid** i benaethiaid canolfannau sicrhau bod uwch dimau arwain a phersonél y swyddfa arholiadau yn ymgyswrtu â chynnwys cyfan y llyfryn hwn. **Yn arbennig, rhaid i benaethiaid canolfannau ymgyswrtu ag adrannau 5.1, 5.3 a 5.4.**
- 1.4 Mae'r newidiadau a wnaed i'r ddogfen hon ers y fersiwn blaenorol (1 Medi 2022 hyd at 31 Awst 2023) wedi'u huwchleuo mewn melyn i'w gwneud yn haws eu gweld ac mae'r prif newidiadau wedi'u rhestru ar dudalen 1.
- 1.5 Mae'r *rheoliadau cyffredinol* yn ymdrin â'r canlynol:
- cytundeb rhwng canolfannau a chyrff dyfarnu (Adran 3);
  - cyfrifoldebau'r cyrff dyfarnu o ran darparu cefnogaeth weinyddol, asesu pwnc-benodol a sicrhau ansawdd i ganolfannau (Adran 4);
  - cyfrifoldebau canolfannau wrth baratoi at arholiadau/asesiadau a gweithgareddau ar ôl yr arholiadau/asesiadau (Adran 5);
  - ymrwymadau sy'n deillio o ddeddfwriaeth gyfredol sy'n ymwneud â diogelu data, cydraddoldeb a rhyddid gwybodaeth. (Noder, fodd bynnag, na ddylai canolfannau ddibynnu yn unig ar y *Rheoliadau cyffredinol* i sicrhau cydymffurfiaeth â'r ddeddfwriaeth.) (Adran 6).

Bydd canolfan wedi cadarnhau ei pharodrwydd i gadw at y rheoliadau hyn pan gafodd ei chymeradwyo fel canolfan (gweler paragraffau 3.2-3.4).

- 1.6 Mae'r rheoliadau hyn yn berthnasol i'r cymwysterau canlynol a gallent fod yn berthnasol i gymwysterau eraill hefyd yn ôl yr hyn a nodir gan gorff dyfarnu:
- AEA
  - Cymwysterau Cyffredinol Cymhwysol AQA
  - Cymwysterau Technegol Lefel 1, Lefel 2 a Lefel 3 AQA
  - **AQA Tystysgrif Lefel 2 Mathemateg Bellach**
  - **AQA Tystysgrif Lefel 3 Astudiaethau Mathemategol**
  - Cymwysterau BTEC (Cymwysterau Cyntaf BTEC, Cymwysterau Technegol BTEC, Cymwysterau Cenedlaethol BTEC, Dyfarniadau Tech BTEC)
  - Cymwysterau Cenedlaethol Caergrawnt
  - Cymwysterau Technegol Caergrawnt
  - **Cymwysterau CCEA Lefel 1, 2 a 3 nad ydynt yn gyffredinol**
  - Dyfarniadau Lefel 3 CCEA
  - Dyfarniadau Edexcel
  - TGAU Rhyngwladol Edexcel
  - TLM
  - FSMQ
  - TAG

- TGAU
- Tystysgrifau Lefel 3 OCR
- Projectau (yn cynnwys y Project Estynedig)
- Cymwysterau Technegol Lefel T
- Cymwysterau Cyffredinol Lefel 1 a Lefel 2 CBAC
- Dyfarniadau a Thystysgrifau Galwedigaethol Lefel 1 a Lefel 2 CBAC
- **Dyfarniadau Galwedigaethol Lefel 1 a Lefel 2 CBAC (Dyfarniadau Technegol)**
- Tystysgrifau Cymhwysol, Diplomâu a Diplomâu Estynedig Lefel 3 CBAC

1.7 **Rhaid** i ganolfannau gynnal arholiadau ac asesiadau yn unol â'r *Rheoliadau Cyffredinol* ac, lle bo'n briodol, yn unol â dogfennau'r CGC:

- Canllaw i'r broses ystyriaeth arbennig;*
- Trefniadau Mynediad ac Addasiadau Rhesymol;*
- Cyfarwyddiadau ar gynnal gwaith cwrs;*
- Cyfarwyddiadau ar gynnal arholiadau;*
- Cyfarwyddiadau ar gynnal asesiadau di-arholiad; ac*
- Amau Camymddwyn – Polisiâu a Gweithdrefnau.*

Gall y cyrff dyfarnu gyhoeddi cyfarwyddiadau pwnc-benodol ar wahân yn achlysurol i ategu dogfennau'r CGC.

1.8 At bwrpas y ddogfen hon, mae canolfan arholiadau neu asesu (y ganolfan) wedi'i chymeradwyo gan un neu fwy o'r cyrff dyfarnu ar gyfer cyflwyno'u cymwysterau.

Dylai darpar ganolfannau newydd gyfeirio at baragraff 3.2.

1.9 Bydd gofyn i bob pennaeth canolfan gadarnhau, yn flynyddol, ei fod yn ymwybodol o'r rheoliadau ac yn cadw at y fersiwn diweddaraf ohonyn nhw. Rheolir y cadarnhad hwn yn rhan o arolwg datganiad Pennaeth Canolfan y Gofrestr Rhifau Canolfannau Cenedlaethol (NCNR) (gweler paragraff 5.3).

**Ni ddylai** pennaeth canolfan ddirprwyo'r cyfrifoldeb hwn i aelod o'r uwch dîm arwain nac i'r swyddog arholiadau.

Bydd methu ymateb i ddiweddariad blynyddol y Gofrestr Rhifau Canolfannau Cenedlaethol, a/neu ddatganiad pennaeth y ganolfan, yn arwain at:

- atal eich statws fel canolfan;
- eich canolfan yn methu cyflwyno cofrestriadau ar gyfer arholiadau; a
- pheidio â derbyn neu allu cael mynediad at bapurau cwestiynau.

Yn y pen draw, gallai cyrff dyfarnu dynnu cymeradwyaeth eich canolfan yn ôl.

1.10 **Rhaid** i benaethiaid canolfannau sicrhau bod aelodau perthnasol o staff yn ymateb yn brydlon i weithrediadau a godir gan Wasanaeth Arolygu Canolfannau'r CGC. Bydd methu gwneud hynny'n gallu golygu na fydd y ganolfan yn derbyn nac yn cael mynediad at bapurau cwestiynau a deunyddiau asesu cyfrinachol eraill. Yn y pen draw, gallai cyrff dyfarnu dynnu cymeradwyaeth eich canolfan yn ôl.

- 1.11 **Rhaid** i benaethiaid canolfannau sicrhau bod aelodau perthnasol o staff yn ymateb yn brydlon i geisiadau gan gyrff dyfarnu am wybodaeth yn ymwneud â gweinyddu a chynnal arholiadau/asesiadau.
- 1.12 **Rhaid** i ganolfannau adrodd yn brydlon wrth y corff/cyrff dyfarnu perthnasol am unrhyw ddigwyddiadau a allai amharu ar unrhyw agwedd ar gyflwyno asesiad, megis ymosodiad seiber.

## 2 Pwy ddylai ddarllen y rheoliadau hyn?

2.1 Mae'r rheoliadau hyn yn berthnasol i ganolfannau sydd wedi'u cymeradwyo gan o leiaf un o gyrrff dyfarnu'r CGC ac y byddan nhw'n cofrestru ymgeiswyr ar gyfer unrhyw gymwysterau yn ôl y diffiniad ym **mharagraff 1.6**.

**Rhaid** i ddarpar ganolfannau ymgyswyo â'r ddogfen hon.

2.2 **Rhaid** i'r bobl ganlynol ddarllen y rheoliadau a chyfeirio atynt:

- a) pennaeth y ganolfan;
- b) aelodau'r uwch dîm arwain;
- c) y swyddog arholiadau.

2.3 **Pennaeth y ganolfan** yw'r unigolyn sy'n atebol i'r cyrrff dyfarnu am sicrhau bod y ganolfan bob amser yn cydymffurfio â rheoliadau cyhoeddiedig y CGC a gofynion y corff dyfarnu i sicrhau diogelwch ac uniondeb yr arholiadau/asesiadau. **Rhaid** i'r unigolyn hwn fod â'r awdurdod i gyfeirio'r adnoddau sy'n angenrheidiol i sicrhau bod y ganolfan bob amser yn cydymffurfio â bodloni rheoliadau cyhoeddiedig y CGC a gofynion y corff dyfarnu.

2.4 **Y swyddog arholiadau** yw'r unigolyn y bydd pennaeth y ganolfan yn ei benodi i weithredu ar ran y ganolfan, ac i fod yn brif gyswllt ar gyfer y ganolfan mewn materion sy'n ymwneud â gweinyddiaeth gyffredinol arholiadau ac asesiadau cyrrff dyfarnu.

2.5 **Nid oes hawl gan bennaeth y safle (pennaeth y ganolfan) i benodi ei hun yn swyddog arholiadau.** Mae pennaeth canolfan a swyddog arholiadau yn ddwy rôl wahanol ac ar wahân.

2.6 Gall pennaeth y ganolfan a/neu'r swyddog arholiadau weithio ar draws mwy nag un ganolfan. Mewn achosion o'r fath, **rhaid** i bennaeth y ganolfan sicrhau bod cefnogaeth addas ar waith gan yr uwch dîm arwain, fel y gallan nhw fodloni eu hymrwymadau ar draws pob canolfan maen nhw'n gyfrifol amdani (gweler paragraff 5.3a). **Rhaid** i bennaeth y ganolfan sicrhau bod ei gynllun arholiadau wrth gefn yn ymdrin â'r trefniadau hyn (gweler paragraff 5.3z).



### 3 Y cytundeb rhwng canolfannau a chyrrff dyfarnu

3.1 Pan fydd canolfan yn cael ei chymeradwyo gan gorff dyfarnu, mae perthynas gontractiol yn cychwyn, sy'n cael ei llywodraethu gan y contract rhwng y corff dyfarnu a'r ganolfan, y rheoliadau hyn ac unrhyw ddogfennau eraill a gyhoeddir gan y CGC, y cyrrff dyfarnu neu'r rheoleiddwyr.

Nid yw cymeradwyaeth gan un corff dyfarnu yn awgrymu, ac ni fydd o reidrwydd yn arwain at, gymeradwyaeth gan un arall.

**Rhaid** i ganolfannau cymeradwy fod yn gallu bodloni'r amodau a nodir yn y rheoliadau hyn ac unrhyw feini prawf cymhwyster penodol.

Os yw canolfan yn defnyddio trydydd parti i gyflwyno unrhyw ran o gymhwyster (gan gynnwys yr asesiadau), **rhaid** iddi sicrhau ei bod yn goruchwyllo'r gwaith o gyflwyno'r cymhwyster hwnnw, ac yn gyfrifol amdano, yn unol â'r rheoliadau hyn a gofynion y corff dyfarnu. **Rhaid** i ganolfannau fod â chytundeb ysgrifenedig ar waith gyda'r trydydd parti. Bydd hyn yn sicrhau bod dealltwriaeth gyffredin o'r trefniant ac yn rheoli'r risg y bydd y trydydd parti yn methu cyflwyno'r gwasanaeth disgwylidig. **Rhaid** i'r ganolfan sicrhau bod copi o'r cytundeb ysgrifenedig ar gael i'w archwilio os bydd y corff dyfarnu yn gofyn amdano.

Mae'r tabl isod yn nodi enghreifftiau o'r trefniadau trydydd parti allweddol y mae'n **rhaid** eu cynnwys, ynghyd ag eithriadau derbyniol.

<b>Trefniadau trydydd parti</b>	<b>Eithriadau o drefniadau trydydd parti</b>
Addysgu a dysgu gan y trydydd parti.	Trefniadau gyda chanolfan arall ar gofrestr safonol y Gofrestr Rhifau Canolfannau Cenedlaethol, e.e. trefniadau consortiwm; athrawon a gyflogir drwy asiantaeth fel trefniant dros dro os bydd absenoldeb staff.
Marcio/graddio a dilysu gwaith ymgeiswyr a fydd yn cael ei gyflwyno i gyrff dyfarnu ac a fydd yn cyfrannu at ddyfarnu cydran/uned neu gymhwyster cyffredinol.	Trefniadau gyda chanolfan arall ar gofrestr safonol y Gofrestr Rhifau Canolfannau Cenedlaethol, e.e. trefniadau consortiwm.
Gwasanaethau cefnogi a ddarperir gan drydydd partion – goruchwyllo, hwyluso trefniadau mynediad, e.e. darllenwyr ac ysgrifenyddwyr.	Goruchwylwyr a'r rhai hynny sy'n hwyluso trefniadau mynediad, e.e. darllenwyr ac ysgrifenyddwyr, sydd dan gontract yn uniongyrchol gan y ganolfan.
Aseswyr ar gyfer ymgeiswyr ag anaswterau dysgu y mae angen trefniadau mynediad/addasiadau rhesymol arny'n nhw.	Aseswr trefniadau mynediad sydd dan gontract yn uniongyrchol gan y ganolfan i asesu ymgeiswyr ag anawsterau dysgu.

**Nid yw** trefniadau trydydd parti yn cynnwys:

- trefniadau nad ydynt yn ymwneud â chyflwyno, asesu neu gefnogi arholiadau/asesiadau fel y nodir uchod;
- trefniadau rhwng ymgeiswyr a thrydydd partïon e.e. tiwtoriaid;
- canolfan gymeradwy sydd â sawl safle, megis campysau coleg.

## Darpar ganolfannau

3.2 **Rhaid** i ddarpar ganolfannau gysylltu â phob corff dyfarnu y maen nhw'n dymuno cynnig eu cymwysterau er mwyn cael eu cymeradwyo fel canolfan. Bydd manylion proses cymeradwyo canolfannau'r corff dyfarnu ar gael ar ei wefan.

**Rhaid** i chi gael eich cymeradwyo fel canolfan cyn cyflwyno cymhwyster. **Rhaid** i'r gymeradwyaeth fod yn derfynol o leiaf pum mis cyn y dyddiad cau ar gyfer cofrestru ymgeiswyr. Ni all y ddarpar ganolfan gofrestru ymgeiswyr na chael mynediad at ddeunyddiau asesu a chefnogi corff dyfarnu tan y bydd y ganolfan wedi cael ei chymeradwyo.

3.3 Mae rhestr wirio ar gyfer darpar ganolfannau ar gael ar wefan y Cyd-gyngor Cymwysterau: <https://www.jcq.org.uk/exams-office/general-regulations/are-you-ready-checklist>

**Rhaid** i'r ddarpar ganolfan sicrhau ei bod yn bodloni'r holl ofynion cyn gwneud cais am gymeradwyaeth canolfan.

3.4 Fel rhan o'r broses cymeradwyo canolfan, gall corff dyfarnu, lle bo'n briodol, gynnal gwiriad credyd ar y ddarpar ganolfan.

3.5 Ar ôl i ganolfan gael ei chymeradwyo, bydd yn gorfod cyflawni cyfnod prawf o ddwy flynedd. Bydd y ganolfan yn derbyn amrywiaeth o arolygiadau canolfannau.

Os **nad** yw canolfan yn bodloni'r gofynion yn ystod y cyfnod prawf o ddwy flynedd, yna bydd y cyrff dyfarnu'n adolygu eu cymeradwyaeth canolfan, ac yna byddan nhw'n cymryd camau priodol i sicrhau cydymffurfiaeth, gan gynnwys lle bo angen, cymhwyso sancsiynau neu dynnu cymeradwyaeth yn ôl.

## Statws y ganolfan

3.6 **Rhaid** i ganolfan fod â'r canlynol:

- a) arwyddion clir y tu allan i'r prif adeilad;
- b) derbynfa lle mae staff priodol y ganolfan ar gael o ddydd Llun i ddydd Gwener rhwng 8.30am a 3.30pm yn ystod y tymor;
- c) aelodau dynodedig o staff canolfan, ar gael rhwng dydd Llun a dydd Gwener, rhwng 8.30am a 3.30pm, i dderbyn deunydd arholiadau/asesiadau cyfrinachol sy'n cael ei ddosbarthu a/neu i dywys Arolygydd Canolfannau'r CGC neu gynrychiolydd y corff dyfarnu. Bydd AQA, CCEA, OCR, Pearson a CBAC yn gwrthod unrhyw gais am gydnabyddiaeth canolfan lle bwriedir gweithredu canolfan o gyfeiriad preswyl preifat;

- d) cyfleuster storio diogel mewn ystafell ar gyfer arholiadau'n unig fel y disgrifir yn adran 3 dogfen y CGC – *Cyfarwyddiadau ar gynnal arholiadau*;
- e) sicrhau bod digon o le i gefnogi maint y carfannau sy'n cael eu haddysgu, gan gynnwys digon o le ar gyfer ymgeiswyr y mae angen trefniadau mynediad a/neu asesiadau ymarferol arnynt.

Os yw canolfan wedi'i lleoli mewn adeilad a rennir, **rhaid** i'r ganolfan gyfan (gan gynnwys y manau uchod) fod wedi'u lleoli mewn ardal hunangynhaliol o'r adeilad.

3.7 **Ni** chaniateir i ganolfan cael ei chymeradwyo at ddibenion gweinyddol yn unig er mwyn mynd â phapurau cwestiynau i safle arall.

3.8 Mae corff dyfarnu'n cadw'r hawl i dynnu cymeradwyaeth yn ôl, naill ai i gyflwyno cymhwyster penodol neu gymeradwyaeth canolfan am bob cymhwyster ar unrhyw adeg os nad yw'r ganolfan wedi cydymffurfio ag unrhyw rai o ofynion y cyrff dyfarnu sydd mewn grym ar y pryd. Yn ychwanegol, mae'r corff dyfarnu'n cadw'r hawl i dynnu cymeradwyaeth canolfan yn ôl lle byddai parhau â'r gymeradwyaeth honno'n peryglu enw da'r system arholiadau/asesu. Mae'r corff dyfarnu'n cadw'r hawl i hysbysu cyrff dyfarnu eraill a'r rheoleiddwyr ei fod wedi gweithredu fel hyn.

3.9 Mae'r cyrff dyfarnu'n cadw'r hawl i dynnu cymeradwyaeth yn ôl gan y canolfannau hynny nad ydynt yn bodloni meini prawf cymeradwyaeth cyfredol y corff dyfarnu, sy'n methu mynd i'r afael â materion a godwyd yn ystod arolygiad neu sy'n methu ymateb i ddiweddariad blynyddol Cofrestr Rhifau Canolfannau Cenedlaethol.

Bydd y cyrff dyfarnu yn adolygu cymeradwyaeth canolfannau nad ydynt wedi cyflwyno cofrestrïadau ymgeiswyr am ddwy flynedd yn olynol.

3.10 Os bydd canolfan yn rhoi'r gorau i weithredu, **rhaid** iddi gymryd yr holl gamau rhesymol i warchod buddiannau'r ymgeiswyr. **Rhaid** i'r ganolfan hefyd hysbysu **pob** corff dyfarnu y mae wedi'i chymeradwyo ganddo cyn gynted â phosibl. Bydd y corff dyfarnu yn cymryd pob cam rhesymol i warchod buddiannau'r ymgeiswyr.

3.11 Nid yw'r ffaith bod canolfan wedi'i chymeradwyo yn golygu bod ganddi hawl awtomatig i nodi neu awgrymu'r gymeradwyaeth honno mewn deunydd cyhoeddedig neu ar-lein. **Rhaid** gofyn am ganiatâd y corff/cyrff dyfarnu perthnasol. Mae hyn yn berthnasol o ran defnyddio logo corff dyfarnu hefyd.

## Cyfrinachedd

3.12 **Bydd y ganolfan yn:**

- a) cadw'n gyfrinachol enwau, cyfeiriadau a manylion cyswllt arholwyr, cymedrolwyr, gwirwyr allanol ac unrhyw bersonél arholi/asesu eraill corff dyfarnu. Mae hyn yn cynnwys cyfeiriadau e-bost personél y corff dyfarnu/y CGC hefyd;
- b) peidio ag anfon negeseuon e-bost a llythyrau gan y corff dyfarnu neu bersonél CGC ymlaen at drydydd parti heb ganiatâd ymlaen llaw, na llwytho gohebiaeth o'r fath i fyny ar safleoedd a rhaglenni cyfryngau cymdeithasol (gan gynnwys rhaglenni trydydd parti) fel Facebook, Twitter, Snapchat, LinkedIn ac ati;

- c) cadw'r canlynol yn gyfrinachol: cyflogaeth y ganolfan, o ran unrhyw swydd, unrhyw un sy'n gweithredu neu wedi gweithredu ar ran y CGC fel arolygwyr canolfannau, arholwyr, cymedrolwyr, dyfarnwyr, gwirwyr allanol cyrff dyfarnu neu bersonél arholi arall, a pheidio â sôn amdanynt mewn unrhyw fath o lenyddiaeth fydd yn cael ei dosbarthu mewn perthynas â rhaglenni asesu'r ganolfan.

3.13 Gall y ganolfan rannu gwybodaeth a data â chanolfannau eraill sy'n aelodau o'r un consortiwm neu Ymddiriedolaeth Academiâu, ar yr amod ei bod yn cydymffurfio â'r rhwymedigaethau hyn o ran cyfrinachedd. Mae'n **rhaid** i'r holl ganolfannau sy'n rhan o'r consortiwm neu'r Ymddiriedolaeth Academiâu fod yn ymwybodol o'r rhwymedigaethau hyn.

Mae'n **rhaid** i ganolfannau yn y consortiwm neu'r Ymddiriedolaeth Academiâu fod yn fodlon, os ydyn nhw'n rhannu data, bod hynny yn gyfreithlon.

## Cadw gwaith ymgeiswyr

### 3.14 Bydd y cyrff dyfarnu yn gwneud y canlynol:

- a) oni nodir yn wahanol, yn dychwelyd gwaith a aseswyd yn y ganolfan i ganolfannau ar ôl cyhoeddi'r canlyniadau;
- b) yn cadw'r hawl i gadw samplau o waith a aseswyd yn y ganolfan at ddibenion archifo hyd yn oed yn yr achosion hynny lle byddai gwaith fel arfer yn cael ei ddychwelyd i'r canolfannau, a chadw'r holl waith a aseswyd yn y ganolfan, sgriptiau a deunyddiau cysylltiedig sydd wedi bod yn destun ymchwiliad i gamymddwyn;
- c) cymryd perchnogaeth o'r holl sgriptiau ysgrifenedig, gwaith ymgeiswyr a gyflwynwyd yn electronig, recordiadau o brofion siarad a recordiadau o berfformiadau a wnaed o dan amodau arholiad ffurfiol ac ni fyddant yn dychwelyd asesiadau di-arholiad (gan gynnwys asesiadau dan reolaeth a gwaith cwrs) na sgriptiau arholiad i'r canolfannau, oni bai bod cais yn cael ei wneud am hynny yn ôl y trefniadau mynediad at sgriptiau;
- d) cadw enghreifftiau o sgriptiau a deunyddiau cysylltiol i ddangos safonau ac er mwyn i ddyfarnwyr gyfeirio atynt yn y blynyddoedd i ddod;
- e) caniatáu i ganolfannau dychwelyd eu portffolios o dystiolaeth o gyrhaeddiad i'r ymgeiswyr ar ôl eu dilysu;
- f) cael gwared ar holl sgriptiau a gwaith wedi'i ddilysu yr ymgeiswyr ar ôl tynnu'r sgriptiau y mae eu hangen ar gyfer y broses mynediad at sgriptiau, adolygiadau o'r marcio, apeliadau, achosion camymddwyn 'byw' ac at ddibenion ymchwil. Ceir gwared ar sgriptiau a gwaith ymgeiswyr wedi'i wirio mewn ffordd gyfrinachol.

### 3.15 Cyfrifoldeb canolfannau yw:

- a) cadw asesiadau di-arholiad byw, gan gynnwys asesiadau dan reolaeth, gwaith cwrs a phortffolios, yn ddiogel ac yn gyfrinachol trwy gydol yr amser y mae'r deunyddiau hynny yn eu meddiant. **Nid** yw'n dderbyniol i staff addysgu rannu gwaith cwrs byw ymgeiswyr ag ymgeiswyr eraill. Caiff asesiadau di-arholiad byw, gan gynnwys unrhyw asesiad dan reolaeth a gwaith cwrs, eu diffinio fel unrhyw waith ar destun sydd wedi'i osod naill ai gan gorff dyfarnu neu'r ganolfan ar gyfer cyfres arholiadau sy'n gyfredol neu gyfres arholiadau yn y dyfodol, hyd yn oed os cwblhawyd y gwaith mewn blwyddyn flaenorol;

- b) storio pob asesiad di-arholiad, gan gynnwys asesiadau dan reolaeth, gwaith cwrs neu bortffolios, sy'n cael eu cadw yn, neu'n cael eu dychwelyd i'r ganolfan, yn ddiogel ac yn saff, tan ar ôl y dyddiad cau ar gyfer adolygiadau o'r cymedroli neu tan y dydd adolygiad o'r cymedroli, apêl neu ymchwiliad i gamymddwyn wedi ei gwblhau, pa bynnag un sydd hwyraf.  
Mae hyn yn cynnwys deunyddiau sy'n cael eu storio'n electronig. Gweler paragraff 4.8 dogfen y CGC *Cyfarwyddiadau ar gyfer cynnal asesiadau di-arholiad*:  
<https://www.jcq.org.uk/exams-office/non-examination-assessments>
- c) sicrhau, pan na fydd angen sgrïptiau a ddychwelwyd mwyach yn ôl y trefniadau mynediad at sgrïptiau, y ceir gwared arnynt mewn ffordd gyfrinachol ond yn ddim cynt na'r dyddiadau a bennir gan y cyrff dyfarnu.

## Cyfathrebu

3.16 **Ni ddylai** canolfannau gynghori rhieni/ymgeiswyr i gysylltu'n uniongyrchol â chyrrff dyfarnu/CGC.

Os cysylltir â nhw, bydd y corff dyfarnu/CGC yn cyfeirio'r rhiant/ymgeisydd yn ôl at y ganolfan.

Bydd unrhyw ohebu ar unrhyw agwedd ar arholiad neu asesiad ymgeisydd yn digwydd rhwng y corff dyfarnu a phennaeth y ganolfan, aelod o'r uwch dîm arwain neu'r swyddog arholiadau.

Gall ymgeiswyr preifat fynd at gorff dyfarnu ynglŷn ag argaeledd cyn-bapurau, gwasanaethau ar ôl canlyniadau ac apeliadau.

## 4 Cyfrifoldebau'r cyrff dyfarnu

- 4.1 Bydd y cyrff dyfarnu'n nodi'n glir ac yn syml eu prosesau â'r canolfannau yn ôl gofynion rheoleiddwyr y cymhwyster.

### Cefnogaeth weinyddol i ganolfannau

#### 4.2 Bydd y cyrff dyfarnu yn:

- a) darparu dogfennaeth ac arweiniad effeithiol ar gyfrifoldebau canolfan wrth reoli, gweinyddu a sicrhau ansawdd arholiad neu gymhwyster;
- b) cyflwyno gweithdrefnau cymedroli y byddant yn eu cyflawni (neu a gyflawnir ar eu rhan) sy'n caniatáu monitro gwaith marcio asesiadau gan ganolfannau, sicrhau bod asesiadau'n bodloni'r gofynion angenrheidiol a chaniatáu i unrhyw addasiadau gael eu gwneud;
- c) darparu dyddiadau arholiadau, dyddiadau allweddol o ran gweinyddu arholiadau, canllawiau gweinyddu, papurau cwestiynau a deunyddiau arholiadau;
- d) hysbysu canolfannau am sut i gyflwyno ymrestrïadau a chofrestrïadau a phrosesu ymrestrïadau a chofrestrïadau canolfannau;

(Dylai canolfannau nodi **nad yw** derbyn cofrestrïadau ymgeiswyr a/neu ymrestrïadau gan y cyrff dyfarnu, gan gynnwys ymgeiswyr preifat, yn golygu bod perthynas gyfreithiol wedi'i ffurfio rhwng y corff dyfarnu a'r ymgeiswyr hynny.)

- e) darparu dulliau a dogfennaeth gyffredinol yn ymwneud â'r broses o weinyddu'r asesiadau dan reolaeth, gwaith cwrs, asesiadau di-arholiad a phortffolios;
- f) darparu cyfarwyddiadau a thafleuni marciau pwnc-benodol lle bo'n berthnasol;
- g) darparu'r cyfarwyddiadau ar gynnal arholiadau ysgrifenedig ac asesiadau ar-sgrin yn nogfen y CGC *Cyfarwyddiadau ar gynnal arholiadau*;
- h) prosesu ceisiadau am drefniadau mynediad ac addasiadau rhesymol, yn ôl cyfeiriad y canolfannau, yn unol â dogfen y CGC *Trefniadau Mynediad ac Addasiadau Rhesymol*. Bydd ceisiadau'n cael eu prosesu'n effeithlon gan gadw at y terfynau amser perthnasol;
- i) sicrhau nad oes unrhyw beth yn y cyfarwyddiadau y gallant eu cyhoeddi fydd yn effeithio ar gyfrifoldeb y ganolfan o ran iechyd, diogelwch a gweithio'n ddiogel o dan ddeddfwriaeth gyfredol ac is-ddeddfau llywodraeth leol. **Rhaid** i'r ganolfan ddilyn unrhyw ofynion lleol penodol;
- j) cyhoeddi datganiadau gwasanaeth i gwsmeriaid a monitro ei pherfformiad;
- k) helpu canolfannau i gyflawni eu gweithdrefnau'n gywir a sicrhau eu bod yn dilyn cyfarwyddiadau'r corff dyfarnu.

## Cyhoeddi canlyniadau a thystysgrifau

### 4.3 Bydd y cyrff dyfarnu yn gwneud y canlynol:

- a) cyhoeddi canlyniadau i ganolfannau drwy A2C a safleoedd allrwyd diogel cyrff dyfarnu ar y dyddiadau cyhoeddedig;
- b) cyhoeddi tystysgrifau sy'n cael eu cyflwyno'n glir ac yn adlewyrchu enw llawn yr ymgeisydd a gofrestrwyd gyda'r corff dyfarnu ar adeg y gyfres arholiadau;
- c) cyhoeddi tystysgrifau mewn enw newydd yn dilyn proses ailbennu rhywedd neu garcharor sydd wedi'i ryddhau yn cael hunaniaeth newydd neu mewn achos o amddiffyn tyst, ar ôl cael y ddogfennaeth briodol. Bydd y ddogfennaeth yn cael ei thrin yn hollol gyfrinachol;
- d) ymchwilio ac adrodd ar ganlyniad adolygiadau o ganlyniadau ac apeliadau;
- e) cynnal archif o ganlyniadau ymgeiswyr.

## Adborth i ganolfannau

- 4.4 Bydd y cyrff dyfarnu yn darparu dull o dderbyn ac ymateb i sylwadau gan ganolfannau ac eraill am eu harholiadau ac asesiadau.

## Cefnogaeth pwnc-benodol i ganolfannau

### 4.5 Bydd y cyrff dyfarnu yn:

- a) rhoi gwybod ymlaen llaw os bydd cymwysterau, pynciau neu unedau'n cael eu tynnu'n ôl;
- b) cyhoeddi manylebau manwl i bob cymhwyster a gynigir;
- c) gwneud yn siŵr bod cyngor ac arweiniad arbenigol ar gael;
- d) darparu deunyddiau cefnogi priodol;
- e) cynnig rhaglen o hyfforddiant ar gyfer y manylebau;
- f) ymateb i geisiadau am wybodaeth neu gyngor ar unrhyw agwedd ar ddarpariaeth manylebau.

- 4.6 Darperir yr holl fanylebau a gwasanaethau perthynol yn unol â gofynion y rheoleiddwyr priodol.

## 5 Cyfrifoldebau canolfannau

### Rheolaeth canolfannau

#### 5.1 Rhaid i bennaeth y ganolfan sicrhau:

- a) cydymffurfiaeth â rheoliadau cyhoeddedig y Cyd-gyngor Cymwysterau a gofynion y corff dyfarnu er mwyn cyflwyno'r cymhwyster/cymwysterau;
- b) bod rheolaethau priodol ar waith sy'n caniatáu i ddata cywir gael eu cyflwyno i'r cyrff dyfarnu e.e. cofrestriadau, marciau a asesir yn fewnol;
- c) bod pob cam rhesymol wedi'i gymryd i gydymffurfio â cheisiadau gan gorff dyfarnu neu awdurdod rheoleiddio am wybodaeth neu ddogfennaeth cyn gynted â phosibl.

5.2 **Rhaid** i ganolfannau gael mynediad at y rhyngrwyd er mwyn eu galluogi i wneud defnydd llawn o safleoedd allrwyd y cyrff dyfarnu.

5.3 Cyfrifoldeb **pennaeth y ganolfan** yw sicrhau bod ei ganolfan yn:

#### **Recruiwio, dewis, hyfforddi a chefnogi**

- a) cadw gweithlu o faint a chymhwysedd priodol gan gynnwys digon o adnoddau rheoli ac adnoddau eraill er mwyn cyflwyno'r cymhwyster fel sy'n ofynnol gan gorff dyfarnu. Mae hyn yn cynnwys cymryd camau rhesymol i sicrhau cymhwysedd galwedigaethol lle bo hynny'n ofynnol i asesu cymwysterau penodol;
- b) darparu athrawon cwbl gymwys i farcio asesiadau di-arholiad, a/neu aseswyr cwbl gymwys i ddilysu cydrannau a asesir yn y ganolfan;
- c) galluogi'r uwch arweinydd/arweinwyr perthnasol, y swyddog arholiadau a'r Cydlynnydd Anghenion Arbennig (neu aelod cyfatebol o staff megis Cydlynnydd Anghenion Dysgu Ychwanegol) i dderbyn hyfforddiant a chefnogaeth briodol er mwyn sicrhau bod arholiadau ac asesiadau yn cael eu cyflwyno'n effeithiol yn y ganolfan, a sicrhau bod y ganolfan yn cydymffurfio â'r rheoliadau CGC cyhoeddedig.

**Rhaid** i bennaeth y ganolfan sicrhau bod digon o amser gan y Cydlynnydd Anghenion Arbennig i reoli'r broses drefniadau mynediad yn y ganolfan ac i ymgyfarwyddo â dogfen *Trefniadau Mynediad ac Addasiadau Rhesymol* y CGC.

**Rhaid** i bennaeth y ganolfan sicrhau bod gan y swyddog arholiadau ddigon o amser i gyflawni ei rôl ac ymgyfarwyddo â dogfennau perthnasol y CGC a'r corff dyfarnu.

**Rhaid** i bennaeth y ganolfan sicrhau bod aelod o'r uwch dîm rheoli sydd â gwybodaeth weithio dda o'r system arholiadau yn rheolwr llinell i'r swyddog arholiadau ac yn rhoi cefnogaeth weithredol iddo.

#### **Trefniadau llywodraethu allanol a mewnol**

- d) bod â phroses uwchgyfeirio ysgrifenedig ar waith pe byddai pennaeth y ganolfan, neu aelod o'r uwch dîm arwain sy'n goruchwyllo'r drefn weinyddu arholiadau, yn absennol;
- e) bod ag aelod o'r uwch dîm arwain a fydd yn rhoi **cefnogaeth ac arweiniad i'r swyddog arholiadau** a sicrhau bod uniondeb a diogelwch arholiadau ac asesiadau yn cael ei gynnal drwy gydol cyfres arholiadau;
- f) **gallu cadarnhau'r trefniadau llywodraethu allanol i gorff dyfarnu fel bod y corff dyfarnu yn hyderus yn uniondeb gweithgareddau'r ganolfan megis cyflwyno cymwysterau a chynnal arholiadau ac asesiadau;**



## Cyflwyno cymwysterau

- g) cyflwyno cymwysterau, fel sy'n ofynnol gan y corff dyfarnu, yn unol â deddfwriaeth gydraddoldeb berthnasol. Mae hyn yn cynnwys, ond heb fod yn gyfyngedig, i sicrhau bod cymwysterau ar gael i bob ymgeisydd sy'n gallu eu dilyn a sicrhau addasiadau rhesymol ar gyfer ymgeiswyr anabl;
- h) galluogi'r ymgeiswyr i gael profiad labordy digonol a chyfoes, neu hyfforddiant perthnasol lle bo angen hynny yn y pwnc dan sylw;

## Atebolrwydd cyhoeddus

- i) cydymffurfio â rheolau iechyd a diogelwch sydd ar waith yn lleol a bod gan y ganolfan yr yswiriant digonol ar gyfer ceisiadau atebolrwydd cyhoeddus;

## Gwrthdaro buddiannau

- j) rheoli gwrthdaro buddiannau drwy roi gwybod i'r cyrff dyfarnu, cyn y dyddiad a gyhoeddir i gofrestru ar gyfer pob cyfres arholiadau, am:
  - unrhyw aelodau o staff y ganolfan sy'n sefyll cymwysterau yn eu canolfan eu hunain gan gynnwys cydrannau/unedau a asesir yn fewnol;
  - unrhyw aelodau o staff y ganolfan sy'n addysgu ac yn paratoi aelodau o'u teulu (sy'n cynnwys llys-deulu, teulu maeth a pherthnasau agos tebyg) neu ffrindiau agos a'u teulu agos (e.e. mab/merch) ar gyfer cymwysterau, gan gynnwys cydrannau/unedau a asesir yn fewnol; **a**

cadw cofnodion clir o **bob achos** lle:

- mae gan staff swyddfa arholiadau aelodau teuluol (sy'n cynnwys llys-deulu, teulu maeth a pherthnasau agos tebyg) neu ffrindiau agos a'u teulu agos (e.e. mab/merch) sy'n cael eu cofrestru ar gyfer arholiadau ac asesiadau yn y ganolfan ei hun neu mewn canolfannau eraill;
- mae staff y ganolfan yn sefyll cymwysterau yn eu canolfan **nad ydynt** yn cynnwys cydrannau/unedau a asesir yn fewnol;
- mae staff y ganolfan yn sefyll cymwysterau mewn canolfannau eraill.

**Rhaid** i bennaeth y ganolfan sicrhau bod y cofnodion yn cynnwys manylion am y mesurau a gymerwyd i liniaru unrhyw risg posibl i uniondeb y cymwysterau yr effeithir arnynt.

Efallai y bydd Arolygydd Canolfannau'r CGC a/neu staff y corff dyfarnu yn gwirio'r cofnodion. Efallai y gofynnir amdanyn nhw os bydd unrhyw bryderon yn cael eu mynegi i gorff dyfarnu. **Rhaid** eu cadw ar ffeil tan y bydd y dyddiad cau ar gyfer adolygiadau o'r marcio wedi pasio neu tan y bydd unrhyw apêl, ymholiad am gamymddwyn neu ymholiad arall am ganlyniadau wedi'i gwblhau, pa bynnag un sydd hwyraf.

Rhaid i bennaethiaid canolfannau nodi y dylid **ond** cofrestru aelodau o staff y ganolfan am gymwysterau yn eu canolfan eu hunain fel y dewis olaf un sydd ar gael mewn achosion lle nad yw'n bosibl i'r aelod o staff y ganolfan ddod o hyd i ganolfan arall.

Cyfrifoldeb pennaeth y ganolfan yw sicrhau bod y protocolau priodol yn eu lle i atal yr aelod o staff y ganolfan rhag cael mynediad at ddeunyddiau arholiadau cyn yr arholiad. Dylai roi gwybod hefyd i aelodau eraill o staff y ganolfan sut i gynnal uniondeb a chyfrinachedd y deunyddiau arholiad.

**Rhaid** i bennaeth y ganolfan sicrhau bod yr aelod o staff y ganolfan, yn ystod y gyfres arholi, yn cael ei drin yn yr un ffordd ag unrhyw ymgeisydd arall ar gyfer yr arholiad hwnnw, ac **nad yw'n** cael mynediad at ddeunyddiau arholiad **nac** yn derbyn unrhyw driniaeth ffafriol.

### Asesiadau dan reolaeth, gwaith cwrs ac asesiadau di-arholiad

- k) bod â threfniadau ar waith i gydlynu a safoni holl farcio'r cydrannau a asesir gan y ganolfan ac am sicrhau bod gwaith yr ymgeiswyr a asesir yn y ganolfan yn cael ei gynhyrchu, ei ddilysu a'i farcio neu ei asesu a'i ansawdd yn cael ei sicrhau gan ddilyn cyfarwyddiadau'r cyrff dyfarnu. **Mae hyn yn berthnasol i ymgeiswyr mewnol a phreifat;**
- l) yn unol â chyfarwyddiadau'r cyrff dyfarnu, cyflwyno'r holl wybodaeth y gallai fod ei hangen yn rhesymol arnynt mewn perthynas â'u harholiadau ac asesiadau, gan ddychwelyd yr holl ffurflenni pwnc-benodol erbyn y dyddiad gofynnol;

### Cadw deunyddiau asesu yn ddiogel

- m) cymryd pob cam rhesymol i gynnal uniondeb arholiadau/asesiadau, gan gynnwys cadw'r holl ddeunyddiau asesu yn ddiogel;
- n) gwneud trefniadau i dderbyn, gwirio a chadw papurau cwestiynau a deunyddiau arholiadau'n saff a diogel bob amser a chyhyd ag y bo angen gwneud hynny yn unol â dogfen y CGC *Cyfarwyddiadau ar gynnal arholiadau 1 Medi 2023 hyd at 31 Awst 2024*;
- o) gwneud trefniadau i dderbyn a chyhoeddi deunydd a dderbyniwyd gan y cyrff dyfarnu i staff ac ymgeiswyr, ac i'w hysbysu am gyngor a chyfarwyddiadau sy'n berthnasol i'r arholiadau a'r asesiadau;
- p) caniatáu i'r ymgeiswyr weld deunyddiau perthnasol a ryddheir ymlaen llaw, ar y dyddiad a bennir gan y cyrff dyfarnu, neu cyn gynted ag y bo'n ymarferol ar ôl hynny;

### Y Gofrestr Rhifau Canolfannau Cenedlaethol a gofynion gwybodaeth eraill

- q) (i) darparu manylion cyswllt a chyfeiriad lle dylid anfon yr holl ohebiaeth yn ymwneud â gweinyddu arholiadau ac asesiadau. **Rhaid** mai cyfeiriad cofrestredig y ganolfan yw hwn;  
**(Rhaid** i ganolfannau roi cyfeiriad e-bost swyddogol a rhif ffôn (llinell dir) yr ysgol neu goleg i'r cyrff dyfarnu. **Nid** yw'n dderbyniol rhoi cyfeiriadau e-bost personol fel 'yahoo', 'hotmail' a 'gmail', na rhifau ffôn symudol.)
- (ii) fel trefniant wrth gefn er mwyn ymdrin â materion brys yn brydlon, ymateb i geisiadau cyrff dyfarnu am wybodaeth ynghylch manylion cyswllt uwch aelod o staff (a allai gynnwys rhif ffôn symudol personol a/neu gyfeiriad e-bost). Bydd hyn yn sicrhau y gall cyrff dyfarnu, â chefnogaeth yr aelod hwnnw o staff, fynd i'r afael ag unrhyw faterion brys a allai effeithio'n andwyol ar ymgeiswyr sy'n codi y tu allan i'r tymor ysgol, ac sydd o bosibl yn peryglu dyfarniad cymwysterau. Dylai pennaethiaid canolfannau sicrhau bod gan yr aelod hwn o staff yr awdurdod sy'n angenrheidiol i baratoi adnoddau i roi'r gefnogaeth hon, a allai gynnwys datrys materion o fewn y ganolfan ei hun;

- r) ymateb i ddiweddariad blynyddol y Gofrestr Rhifau Canolfannau Cenedlaethol **erbyn diwedd mis Hydref 2023** bob blwyddyn (OCR sy'n gweinyddu'r Gofrestr ar ran cyrff dyfarnu'r CGC, sef AQA, CCEA, OCR, Pearson a CBAC);
- s) rhoi gwybod i Dîm y Gofrestr Rhifau Canolfannau Cenedlaethol ar unwaith (cyfeiriad e-bost – [ncn@ocr.org.uk](mailto:ncn@ocr.org.uk)) os bydd unrhyw newidiadau ar ôl i'r Gofrestr Rhifau Canolfannau Cenedlaethol gael ei diweddarau'n flynyddol. **Rhaid** i hwn fod ar bapur â phennawd y ganolfan a ellir ei anfon fel atodiad e-bost;
- t) rhoi gwybod i Dîm y Gofrestr Rhifau Canolfannau Cenedlaethol (cyfeiriad e-bost – [ncn@ocr.org.uk](mailto:ncn@ocr.org.uk)) am unrhyw newidiadau i'r manylion cyswllt perthnasol **yn ddim hwyrach na 6 wythnos cyn symud i gyfeiriad newydd neu adleoli'r cyfleuster storio diogel**. **Rhaid** i hwn fod ar bapur â phennawd y ganolfan a ellir ei anfon fel atodiad e-bost; (O ganlyniad i'r hysbysiad hwn bydd arolygiad canolfan yn digwydd.)u) rhoi gwybod i Dîm y Gofrestr Rhifau Canolfannau Cenedlaethol ar unwaith pan fydd newid mewn amgylchiadau a allai effeithio ar statws y ganolfan;
- v) ymateb, drwy gwblhau Datganiad Pennaeth y Ganolfan, i gais y Gofrestr Rhifau Canolfannau Cenedlaethol am gadarnhad eu bod yn ymwybodol o'r fersiynau diweddaraf o reoliadau'r CGC ac yn cadw atynt, ac yn gwneud hynny yn ddim hwyrach na ddiwedd mis Hydref bob blwyddyn;
- w) ymateb i unrhyw geisiadau rhesymol eraill a wneir gan Dîm y Gofrestr Rhifau Canolfannau Cenedlaethol;

### Arolygiadau canolfannau

- x) cydweithio â Gwasanaeth Arolygu Canolfannau'r CGC, corff dyfarnu neu awdurdod rheoleiddio pan fydd yn destun arolygiad, ymchwiliad neu ymweliad dirybudd;
- y) caniatáu i unrhyw ystafelloedd sy'n cael eu defnyddio ar gyfer arholiadau ac asesiadau, gwaith papur, a chyfleusterau storio diogel fod ar gael i'w harchwilio. Bydd Arolygydd Canolfannau CGC yn dangos pwy yw ef/hi gyda cherdyn ID â llun arno a **rhaid** ei dywys/thywys drwy ei daith/ei thaith o'r adeiladau, gan gynnwys arolwg o gyfleusterau storio diogel y ganolfan;

### Polisiâu ar gael i'w harchwilio

- z) bod â'r polisiâu canlynol ar waith ac ar gael i'w harchwilio;
  - polisi amddiffyn plant/diogelu ysgrifenedig, gan gynnwys gwiriad gan y DBS (Gwasanaeth Datgelu a Gwahardd) sy'n bodloni'r gofynion deddfwriaethol cyfredol;
  - **polisi cwynion ysgrifenedig;**
  - **polisi gwrthdaro buddiannau ysgrifenedig;**
  - polisi diogelu data ysgrifenedig;
  - polisi cydraddoldeb ysgrifenedig;
  - cynllun arholiadau wrth gefn ysgrifenedig sy'n ymdrin â holl agweddau'r drefn weinyddu arholiadau. Bydd hyn yn caniatáu i aelodau o'r uwch dîm arwain weithredu ar unwaith mewn argyfwng **neu os yw pennaeth y ganolfan, y swyddog arholiadau neu'r Cydlynnydd Anghenion Addysgol Arbennig yn absennol yn ystod adeg allweddol o'r cylch arholiadau**. Dylai'r cynllun arholiadau wrth gefn atgyfnerthu'r gweithdrefnau i'w dilyn os nad yw'r ganolfan ar gael ar gyfer arholiadau neu ar ddiwrnod y canlyniadau oherwydd argyfwng heb ei ragweld. Dylid hefyd ystyried effaith posibl ymosodiad seiber;

- gweithdrefn apeliadau mewnol ysgrifenedig y mae'n **rhaid** iddi ymdrin ag o leiaf apeliadau am benderfyniadau asesiadau mewnol, gwasanaethau ac apeliadau ar ôl y canlyniadau, a phenderfyniadau'r ganolfan yn ymwneud â threfniadau mynediad ac ystyriaeth arbennig;
- polisi camymddwyn ysgrifenedig sy'n ymdrin â phob cymhwyster y mae'r ganolfan yn ei gyflwyno. **Rhaid** i'r polisi roi manylion ynghylch y ffordd yr hysbysir a chynghorir ymgeiswyr i osgoi camymddwyn mewn arholiadau/asesiadau, y ffordd y dylid uwchgyfeirio materion yn ymwneud ag achosion o amau camymddwyn o fewn y ganolfan a'r ffordd y dylid adrodd am yr achosion hynny wrth y corff dyfarnu perthnasol;
- polisi ysgrifenedig o ran rheoli asesiadau di-arholiad TAG a TGAU. (Ar gyfer canolfannau TGAU CCEA, polisi ysgrifenedig yn ymwneud ag asesiadau dan reolaeth fyddai hwn.)
- polisi ysgrifenedig chwythu'r chwiban;
- polisi ysgrifenedig ar ddefnyddio prosesydd geiriau mewn arholiadau.

## Trefniadau mynediad ac addasiadau rhesymol

### 5.4 Bydd pennaeth y ganolfan/uwch dîm arwain yn:

- a) penodi Cydlynnydd Anghenion Arbennig a fydd yn pennu trefniadau priodol ar gyfer ymgeiswyr ag anawsterau ac anabledau dysgu;
- b) sicrhau bod dysgwyr yn cael cyngor a gwybodaeth gywir **ar ffurf hygyrch** am y cymhwyster/cymwysterau a ddewiswyd ganddynt, a bod y cymhwyster/cymwysterau yn bodloni eu hanghenion. **Rhaid** i'r broses recriwtio gynnwys y ganolfan yn asesu pob dysgwr posibl ac yn llunio barn broffesiynol y gellir ei chyfiawnhau am botensial y dysgwr i gwblhau'r arholiadau/asesiadau'n llwyddiannus a chyflawni'r cymhwyster/cymwysterau. **Rhaid** i asesiad y ganolfan nodi, lle bo'n briodol, y gefnogaeth a fydd ar gael i'r dysgwr i hwyluso mynediad at arholiadau/asesiadau;
- c) cydnabod ei dyletswyddau tuag at ymgeiswyr ag anabled, yn cynnwys ymgeiswyr preifat, dan dermau Deddf Cydraddoldeb 2010<sup>†</sup>, yn enwedig Adran 20 (7). **Rhaid** i hyn gynnwys dyletswydd i archwilio a darparu mynediad i gyrsiau addas, drwy'r broses trefniadau mynediad cyflwyno ceisiadau am addasiadau rhesymol a gwneud addasiadau rhesymol i'r gwasanaeth y mae'r ganolfan yn ei ddarparu ar gyfer ymgeiswyr ag anabled. Os oes gan y ganolfan ddyletswydd i wneud addasiad rhesymol, **rhaid** i'r ganolfan **beidio** â chodi tâl ychwanegol ar ymgeisydd ag anabled mewn perthynas â'r addasiad neu'r cymorth.

<sup>†</sup>neu unrhyw ddeddfwriaeth mewn awdurdodaeth berthnasol heblaw am Gymru a Lloegr y mae ei phwrpas a'i heffaith yn gyfwerth.

- d) sicrhau bod y Cydlynnydd Anghenion Arbennig yn cymryd y camau angenrheidiol a phriodol i ffurfio darlun o'r angen a dangos ffordd arferol o weithio ar gyfer ymgeisydd preifat megis dysgwr o bell neu fyfyrwr sydd wedi'i addysgu gartref. **Rhaid** i'r ganolfan, lle bo angen, arwain y broses asesu. **Rhaid** i'r ymgeisydd gael ei asesu gan aseswr penodedig y ganolfan. Mewn rhai achosion, gan ddibynnu ar ei anghenion, mae'n bosibl y bydd yn rhaid i'r ymgeisydd gael ei asesu y tu allan i'r ganolfan, er enghraifft yn y cartref. **Rhaid** i'r ganolfan gydymffurfio â'r rhwymedigaeth i nodi'r angen am drefniadau mynediad, gwneud cais amdanynt a'u rhoi ar waith;
- e) sicrhau pan fo ymgeisydd sydd ag anawsterau dysgu angen asesiad o'i anghenion, ei fod yn cael ei asesu gan aseswr cymwys priodol **a benodwyd gan bennaeth y ganolfan**. **Rhaid** cael tystiolaeth o gymhwyster/gymwysterau'r aseswr **cyn** iddo asesu ymgeiswyr a chadw'r dystiolaeth at bwrpasau arolygu;

- f) bod â phroses ysgrifenedig ar waith, nid yn unig er mwyn gwirio cymhwyster/cymwysterau eu haseswr/aseswyr ond y dilynir y gweithdrefnau cywir yn unol â Phennod 7 dogfen y CGC – Trefniadau Mynediad ac Addasiadau Rhesymol;
- g) cynorthwyo'r cyrff dyfarnu wrth iddyn nhw gyflawni eu dyletswydd i wneud addasiadau rhesymol trwy ofyn am drefniadau mynediad, lle bo gofyn amdany'n nhw, a chefnogi'r Cydlynnydd Anghenion Arbennig yn llawn wrth weithredu'r trefniadau hynny'n effeithiol ar ôl iddynt gael eu cymeradwyo;
- h) sicrhau bod unrhyw geisiadau am drefniadau mynediad neu addasiadau rhesymol yn cael eu cyflwyno **erbyn y dyddiad cau cyhoeddedig**. Bydd y Cydlynnydd Anghenion Arbennig yn cadw tystiolaeth ddogfennol briodol ar ffeil er mwyn cyfiawnhau'r fath drefniant, sy'n agored i'w archwilio. Yn achos cymwysterau TAG a TGAU, bydd Arolygydd Canolfannau CGC yn samplu ceisiadau canolfan;
- i) sicrhau, yn achos cymwysterau TAG a TGAU, bod ffeil yn cael ei chyflwyno **gan y Cydlynnydd Anghenion Arbennig** y mae'n **rhaid** iddi gynnwys ar gyfer pob cais ar-lein y gymeradwyaeth sydd wedi'i llwytho i lawr am y trefniant/trefniadau perthynol, tystiolaeth ategol o angen a hysbysiad diogelu data wedi'i lofnodi/ffurflen gydsyniad personol data ymgeisydd wedi'i lofnodi. **Rhaid** i'r wybodaeth hon fod ar gael yn rhwydd i'w harchwilio yn y lleoliad lle mae'r ymgeisydd yn sefyll yr arholiad(au);
- j) sicrhau bod ceisiadau am bapurau wedi'u haddasu yn cael eu cyflwyno **erbyn y dyddiad cau cyhoeddedig**.

5.5 **Rhaid** cyflawni'r trefniadau yn unol â dogfen y CGC *Trefniadau Mynediad ac Addasiadau Rhesymol, 1 Medi 2023 i 31 Awst 2024*.

Os canfyddir mewn arolygiad CGC bod canolfan yn ddiffygiol wrth ofyn am drefniadau mynediad a/neu roi'r trefniadau hynny ar waith, bydd corff dyfarnu'n cymryd camau pendant i leihau'r diffyg hwnnw. Yn y pen draw, mae'n bosibl y bydd yn rhaid i gorff dyfarnu dynnu cymeradwyaeth y ganolfan yn ôl. Byddai hyn yn digwydd lle mae'n amlwg bod canolfan wedi methu cydymffurfio â'i rhwymedigaethau o ran adnabod yr angen am drefniadau mynediad, gofyn am y trefniadau hynny a'u rhoi ar waith.

## Cofrestriadau

5.6 **Bydd y ganolfan yn:**

- a) cadw at delerau ac amodau'r cyrff dyfarnu i gofrestru a thynnu ymgeiswyr yn ôl o'u harholiadau ac asesiadau. **Rhaid** i'r ganolfan gadw at unrhyw ofynion rheoliadol ar gyfer y cymhwyster;
- b) ymrestru neu gofrestru ymgeiswyr am arholiad neu asesiad yn unol â gweithdrefnau cyhoeddedig y corff dyfarnu ar gyfer y cymhwyster hwnnw;
- c) cyflwyno ymrestriadau, cofrestriadau arholiadau a cheisiadau am ardystiad erbyn y dyddiad(au) penodol;

Os oes cofrestriadau wedi'u gwneud ar gyfer manylebau TGAU unedol, mae'n **rhaid** i ganolfannau<sup>†</sup> sicrhau bod o leiaf 40% o gyfanswm y marciau wedi'u cymryd yn y gyfres arholiadau derfynol wrth gyfnewid/gwneud cais am ardystio, ac eithrio CBAC TGAU Cymraeg Ail Iaith lle mae'n **rhaid** cymryd o leiaf 75% o'r cymhwyster cyffredinol yn y gyfres arholiadau derfynol wrth gyfnewid, gan gynnwys Unedau 3 a 4.

Os oes cofrestriadau wedi'u gwneud ar gyfer manylebau CBAC Lefel 1 a Lefel 2 Dyfarniadau Galwedigaethol (Dyfarniadau Technegol), mae'n **rhaid** i ganolfannau sicrhau bod o leiaf 40% o gyfanswm y marciau wedi'u cymryd yn y gyfres arholiadau derfynol wrth gyfnewid/gwneud cais am ardystio, ac mae'n **rhaid** i'r uned allanol fodloni hyn – cyfeiriwch at y fanyleb berthnasol am fanylion.

<sup>†</sup>Dim ond i ganolfannau y tu allan i Loegr sy'n cofrestru ymgeiswyr ar gyfer manylebau unedol TGAU y mae hyn yn berthnasol.

- d) cynnal dangosydd ymgeisydd unigryw (UCI) neu rif dysgwr unigryw (ULN) i bob ymgeisydd sydd wedi'i gofrestru am arholiad neu asesiad a sicrhau bod yr un UCI neu ULN yn cael ei ddefnyddio'n gyson ar gyfer yr ymgeisydd dros amser er mwyn galluogi i unedau a chymwysterau gael eu hagregu;  
(gweler <https://www.jcq.org.uk/exams-office/entries/unique-candidate-identifiers-uci/>)
- e) cofrestru ymgeiswyr sydd ar y gofrestr yn y ganolfan fel ymgeiswyr mewnol;
- f) cofrestru ymgeisydd nad yw wedi derbyn unrhyw addysg yn y ganolfan fel ymgeisydd preifat. Dylid cofrestru ymgeisydd sy'n ailsefyll cymhwyster fel ymgeisydd preifat os nad yw'r unigolyn hwnnw yn derbyn addysg ar yr adeg y cyflwynir cofrestrïadau;  
  
(Mae ymgeisydd preifat yn gyfrifol am ei gofrestrïad ei hun y mae'n **rhaidd** ei wneud trwy ganolfan gymeradwy gan gorff dyfarnu yn y Deyrnas Unedig. **Ni ellir** cofrestru ymgeisydd fel ymgeisydd mewnol ac ymgeisydd preifat yn yr un ganolfan yn yr un gyfres arholiadau.  
  
**Nid yw** cyrff dyfarnu'n derbyn cofrestrïadau'n uniongyrchol gan ymgeiswyr preifat; dim ond cofrestrïadau a wneir trwy ganolfan achrededig yn y Deyrnas Unedig y byddant yn eu derbyn.  
Gellir gweld rhestr o ganolfannau sy'n fodlon derbyn cofrestrïadau gan ymgeiswyr preifat ar wefan y CGC: <https://www.jcq.org.uk/private-candidates/>)
- g) **peidio â chofrestru** ymgeiswyr ar gyfer cymhwyster ar yr un lefel ac yn yr un pwnc sawl gwaith yn yr un gyfres (e.e. drwy gofrestru ymgeisydd ar gyfer yr un cymhwyster pwnc gyda chyrff dyfarnu gwahanol). Er enghraifft, **ni ddylid** cofrestru ymgeisydd ar gyfer AQA TGAU Mathemateg ac OCR TGAU Mathemateg yn yr un gyfres. Pwrpas hyn yw rheoli'r risg cynyddol o danseilio diogelwch o ganlyniad i amrywiadau amhriodol i amserlenni ac yn gyffredinol mae hefyd ym muddiannau ymgeiswyr i osgoi effeithiau andwyol.  
Caniateir cofrestrïadau Celf a Dylunio lluosog fel cyfuniad o gofrestrïadau, er bod gan bob manyleb Celf a Dylunio (heblaw Ffotograffiaeth) yr un cod QAN ar TGAU a TAG UG a Safon Uwch. Caniateir i ymgeiswyr gofrestru ar gyfer pob manyleb (gwahanol fathau o Gelf a Dylunio ag enwau manylebau gwahanol) os ydynt am wneud hynny.  
Gellir cofrestru ymgeiswyr ar gyfer mwy nag un cyfuniad o gofrestrïadau CBAC Dyluno a Thechnoleg, er bod Rhif Cymeradwyo Cymwysterau Cymru yr un fath ar gyfer pob teitl arnodedig ar lefel TGAU a TAG;
- h) talu ffioedd yn y dull a benodir gan y cyrff dyfarnu ac ar yr adeg a bennir;
- i) cyflwyno unrhyw geisiadau am drefniadau trosglwyddo ymgeiswyr yn unol â dogfen y CGC *Cyfarwyddyd ynglŷn ag ymgeiswyr a drosglwyddir*;
- j) dilysu hunaniaeth pob myfyriwr maent yn eu cofrestru am arholiadau neu asesiadau.  
**Rhaidd** i'r ganolfan fod yn fodlon bod hunaniaeth pob ymgeisydd wedi'i wirio, naill ai fel rhan o'r broses ymrestru ddechreuol, neu yn achos ymgeiswyr preifat trwy broses ddilysu sy'n cynnwys ID llun;
- k) trin yr holl ymgeiswyr yn gyfartal, gan gynnwys ymgeiswyr preifat, drwy gydol y broses arholi. Byddai hyn hefyd yn ymestyn i wasanaethau ar ôl y canlyniadau ac apeliadau.

Dylid cofrestru ymgeiswyr dan enwau y gellir eu gwirio yn erbyn dulliau adnabod addas megis tystysgrif geni, trwydded yrru neu basport i osgoi problemau yn y dyfodol. Er enghraifft, os oes angen i ymgeisydd gadarnhau ei ganlyniadau i drydydd parti neu gael tystysgrif newydd. Er mai'r ganolfan sydd yn y sefyllfa orau i ddeall amgylchiadau'r ymgeisydd a gwneud penderfyniad gwybodus, dim ond o dan amgylchiadau eithriadol y dylid cofrestru ymgeisydd o dan enwau gwahanol.

## Gwaith a asesir gan y ganolfan

(Asesiadau dan Reolaeth, **gwaith cwrs**, **asesiadau di-arholiad** a phortffolios o dystiolaeth)

### 5.7 Bydd y ganolfan yn:

- a) hysbysu cyrff dyfarnu consortiwm o ganolfannau lle mae trefniadau addysgu ar y cyd ar gyfer cymwysterau TAG a/neu TGAU. Bydd hyn yn caniatáu trin yr ymgeiswyr ar gyfer pob manyleb fel un grŵp ar gyfer cymedroli gwaith a asesir gan y ganolfan. Dim ond os bydd dwy neu fwy o ganolfannau sy'n aelodau'n cofrestru ymgeiswyr am waith a asesir gan y ganolfan y bydd angen hyn;
- b) defnyddio deunyddiau/tasgau asesu cyfredol yn unig i asesu gwybodaeth a sgiliau ymgeiswyr (mewn achosion lle bydd y corff dyfarnu'n darparu gwybodaeth o'r fath);
- c) cyn cyflwyno marciau i'r corff dyfarnu, hysbysu ymgeiswyr o'u marciau a asesir gan y ganolfan a chaniatáu i ymgeisydd wneud cais am adolygiad o farcio'r ganolfan; (gweler <https://www.jcq.org.uk/exams-office/non-examination-assessments/>)
- d) cymryd camau rhesymol i sicrhau bod pob tasg weinyddol gysylltiedig wedi'i chwblhau mewn modd cywir ac amserol, e.e. marciau wedi'u cyfrifo, eu cofnodi a'u cyflwyno'n gywir erbyn y dyddiad cyhoeddus. Cyfrifoldeb canolfannau yw gwirio'n ofalus y marciau maen nhw'n eu cyflwyno i gorff dyfarnu;
- e) cyflwyno marciau gwaith a asesir yn y ganolfan a chyflwyno samplau cymedroli, os bydd yn ofynnol gan y corff dyfarnu, erbyn y dyddiad a gyhoeddir. Cyfrifoldeb canolfannau yw sicrhau bod y cymedrolwyr yn derbyn y samplau gwaith cywir i'w hadolygu;
- f) bod â gweithdrefn apelio fewnol **ysgrifenedig** ar waith ac ar gael i'w harolygu, sy'n ymwneud â phenderfyniadau asesu mewnol ac i wneud yn siŵr bod manylion y drefn hon yn cael eu rhannu, ar gael yn eang, a bod yr ymgeiswyr i gyd yn ymwybodol ohonynt;
- g) bod â pholisi **ysgrifenedig** ar waith ac ar gael i'w archwilio, sy'n ymwneud â rheoli asesiadau di-arholiad TAG a TGAU. (Ar gyfer canolfannau TGAU CCEA, polisi **ysgrifenedig** yn ymwneud ag asesiadau dan reolaeth fyddai hwn.)

## Gwybodaeth i ymgeiswyr

### 5.8 Bydd y ganolfan yn:

- a) hysbysu ymgeiswyr, gan gynnwys unrhyw ymgeiswyr preifat a gofrestrir trwy'r ganolfan, am eu cofrestradau arholiadau, a dyddiadau ac amserau eu harholiadau/asesiadau;
- b) sicrhau, mewn perthynas ag arholiadau, bod poster *Eitemau nad ydynt yn cael eu caniatáu a Rhybudd i ymgeiswyr* y CGC wedi'u harddangos mewn man amlwg i'r holl ymgeiswyr allu eu gweld cyn mynd i mewn i'r ystafell arholiadau;
- c) sicrhau bod Gwybodaeth i Ymgeiswyr y CGC (gwaith cwrs, asesiadau di-arholiad, profion ar-sgrin, hysbysiadau preifatrwydd, cyfryngau cymdeithasol ac arholiadau ysgrifenedig) yn cael ei ddsbarthu i bob ymgeisydd naill ai'n electronig neu fel copi caled **cyn** cynnal yr asesiadau a/neu arholiadau.

Mae'r dogfennau hyn ar gael yn:

<http://www.jcq.org.uk/exams-office/information-for-candidates-documents>

**Rhaid** i ymgeiswyr hefyd fod yn ymwybodol o gynnwys y poster *Eitemau nad ydynt yn cael eu caniatáu a Rhybudd i ymgeiswyr* y CGC.

Caniateir rhoi pob un o ddogfennau *Gwybodaeth i Ymgeiswyr* y CGC ar wefan y ganolfan ac anfon y cyswllt perthnasol ar e-bost at yr ymgeiswyr, gyda neges briodol. Dylai'r ganolfan ddilyn hyn drwy gynnal sesiwn briffio neu wasanaeth arbennig dan arweiniad uwch aelod o'r staff. Byddai'r sesiwn briffio'n atgyfnerthu'r hyn mae'n **rhaid** i'r ymgeiswyr ei wneud a'r hyn **rhaid peidio** â gwneud wrth sefyll arholiadau ysgrifenedig a/neu brofion ar-sgrin, ac wrth gynhyrchu gwaith cwrs a/neu asesiadau di-arholiad.

Gall canolfan ddarparu copi o *Gwybodaeth i Ymgeiswyr* y CGC mewn iaith ar wahân i Gymraeg, Saesneg neu Wyddeleg.

- d) sicrhau bod yr holl ddata ymgeiswyr, os bydd eu hangen gan y corff dyfarnu, wedi'u cyflenwi i'r cyrff dyfarnu o fewn telerau'r Rheoliad Cyffredinol ar Ddiogelu Data 2018 a Deddf Diogelu Data 2018 a Deddf Rhyddid Gwybodaeth 2000, ac yr hysbyswyd yr ymgeiswyr yn briodol bod y data hyn wedi'u trosglwyddo i'r cyrff dyfarnu (gweler adran 6, am fwy o wybodaeth);
- e) tynnu sylw ymgeiswyr a'u rhieni/gofalwyr at eu polisi cwynion a gweithdrefn apeliadau mewnol **ysgrifenedig** a fydd yn cynnwys cwynion cyffredinol sy'n ymwneud â phrosesau canolfan o ran cyflwyno neu weinyddu cymhwyster.

## Cynnal arholiadau ac asesiadau

### 5.9 Bydd y ganolfan yn:

- a) darparu llety a chyfleusterau addas ar gyfer holl arholiadau ac asesiadau, gan gynnwys gwaith sy'n cael ei asesu gan y ganolfan, asesiadau yn seiliedig ar y cyfrifiadur ac ar sgrin, gan sicrhau mai gwaith yn yr ymgeisydd ei hun a gyflwynir i'w asesu gan ddefnyddio dim ond yr eitemau/deunyddiau a nodir;
- b) darparu goruchwylwyr sydd wedi derbyn hyfforddiant llawn ar gyfer arholiadau, gan gynnwys asesiadau ar gyfrifiadur ac ar-sgrin;  
(Wrth gontractio staff cyflenwi i weithredu fel goruchwylwyr, **rhaid** i bennaeth y ganolfan sicrhau bod unigolion o'r fath yn gymwys ac wedi'u hyfforddi'n llawn, ac yn deall beth sy'n cael ei ganiatáu a beth nad yw'n cael ei ganiatáu.)
- c) darparu Cyfathrebwyr Proffesiynol, Addaswyr Iaith Lafar, cynorthwywyr ymarferol, darllenwyr, ac ysgrifenyddion sydd wedi'u hyfforddi'n llawn ar gyfer arholiadau a ganiateir yn unol â dogfen y CGC *Trefniadau Mynediad ac Addasiadau Rhesymol*;
- d) bod â gweithdrefnau **ysgrifenedig** ar waith i ddilysu hunaniaeth **pob** ymgeisydd ar adeg yr arholiad neu asesiad;
- e) cynnal yr holl arholiadau/asesiadau a lywodraethir gan y rheoliadau hyn yn unol â dogfennau canlynol y CGC ar gyfer y flwyddyn academaidd 2023/24:  
*Trefniadau Mynediad ac Addasiadau Rhesymol, Cyfarwyddiadau ar gynnal gwaith cwrs, Cyfarwyddiadau ar gynnal arholiadau, Cyfarwyddiadau ar gynnal asesiadau di-arholiad*;
- f) hysbysu Gwasanaeth Arolygu Canolfannau'r CGC gan ddefnyddio Ffurflen Safle Arall CGC am unrhyw safleoedd eraill fydd yn cael eu defnyddio i gynnal unedau/cydrannau arholiadau ar yr **amserlen** ar gyfer y cymwysterau a restrir ym mharagraff 1.6;
- g) cadw cofnodion at ddibenion arolygu pob achos lle mae angen goruchwylio ymgeiswyr dros nos yn unol â dogfen y CGC *Cyfarwyddiadau ar gynnal arholiadau, 1 Medi 2023 i 31 Awst 2024*;
- h) cyflwyno datganiadau ar ran ymgeiswyr sy'n cyrraedd yn hwyr iawn am arholiadau, yn unol â dogfen y CGC *Cyfarwyddiadau ar gynnal arholiadau, 1 Medi 2023 i 31 Awst 2024*;
- i) cyflwyno unrhyw geisiadau am ystyriaeth arbennig pan fydd ymgeiswyr yn bodloni'r meini prawf a gyhoeddwyd.



- 5.10 Mewn perthynas ag arholiadau ar yr amserlen ac ymdrin â sgriptiau, rhaid i'r ganolfan gyfeirio at ddogfen y CGC *Cyfarwyddiadau ar gynnal arholiadau*:  
<https://www.jcq.org.uk/exams-office/ice---instructions-for-conducting-examinations>

## Camymddwyn

### 5.11 Bydd y ganolfan yn:

- cymryd pob cam rhesymol i atal unrhyw gamymddwyn (sy'n cynnwys camweinyddu) cyn, yn ystod ac ar ôl i arholiadau gael eu cynnal;
- hysbysu'r corff dyfarnu **ar unwaith** o unrhyw ddigwyddiadau o gamymddwyn neu gamweinyddu honedig, a amheuir neu sy'n wirioneddol, gan gynnwys ymgeisydd neu aelod o staff, drwy gwblhau dogfennau priodol;
- yn ôl gofynion corff dyfarnu, casglu tystiolaeth o unrhyw achos lle mae honiad neu amheuaeth bod camymddwyn wedi digwydd (yn cynnwys camweinyddu) yn unol â ddogfen y CGC *Amau Camymddwyn – Polisiâu a Gweithdrefnau, 1 Medi 2023 i 31 Awst 2024* a rhoi'r wybodaeth a'r cyngor y gall fod ei hangen ar y corff dyfarnu.

## Canlyniadau

### 5.12 Bydd y ganolfan yn:

- cadw'r canlyniadau yn gwbl gyfrinachol a chyfyngedig i bennaeth y ganolfan, staff y swyddfa arholiadau ac aelodau allweddol y staff addysgu yn y ganolfan (yn ôl disgrisiwn pennaeth y ganolfan), y consortiwm neu Multi Academy Trust, tan ddyddiadau ac amserau swyddogol rhyddhau canlyniadau i ymgeiswyr. Dylai'r ganolfan gyfeirio at gyhoeddiad y CGC *Rhybudd i Ganolfannau – rhyddhau canlyniadau*:  
<https://www.jcq.org.uk/exams-office/results-and-certification/>
- dosbarthu datganiadau canlyniadau rhagarweiniol i **bob** ymgeisydd heb oedi a heb ystyried unrhyw anghydfod (fel peidio â thalu ffioedd).

**Ni chaniateir i ganolfannau ddal canlyniadau rhagarweiniol yn ôl oddi wrth ymgeiswyr o dan unrhyw amgylchiadau.**

## Gwasanaethau ar ôl y Canlyniadau ac Apeliadau

### 5.13 Bydd y ganolfan yn:

- sicrhau bod gweithdrefnau **ysgrifenedig** ar waith ar gyfer sut y bydd yn ymdrin â cheisiadau ymgeiswyr ar gyfer mynediad at sgriptiau, ail-wiriadau clerigol, adolygiadau o'r marcio, adolygiadau o'r cymedroli ac apeliadau i'r cyrff dyfarnu. **Rhaid** i fanylion y gweithdrefnau hyn gael eu rhannu'n eang a rhaid iddynt fod yn hygyrch i **bob** ymgeisydd. **Rhaid** i ymgeiswyr fod yn ymwybodol o'r trefniadau ar gyfer y gwasanaethau ar ôl y canlyniadau cyn i'r canlyniadau gael eu cyhoeddi;
- sicrhau bod uwch aelodau o staff y ganolfan ar gael ar unwaith ar ôl i'r canlyniadau gael eu cyhoeddi;
- sicrhau bod pob ymgeisydd mewnol yn ymwybodol bod rhaid gwneud pob cais am wasanaethau ar ôl y canlyniadau trwy'r ganolfan;
- sicrhau bod yr ymgeiswyr wedi cadarnhau'n **ysgrifenedig** eu bod yn **cydsynio** i wasanaethau ail-wiriadau clerigol, adolygiadau o'r marcio, ac unrhyw apêl ddilynol, a mynediad at sgriptiau a gynigir gan y cyrff dyfarnu **ar ôl** cyhoeddi canlyniadau arholiadau;

- e) cyflwyno unrhyw geisiadau am ail-wiriadau clerigol, adolygiadau o'r marcio, adolygiadau o'r cymedroli a mynediad at sgrïptiau **erbyn y dyddiad(au) cau cyhoeddedig** yn unol â dogfen y CGC *Gwasanaethau ar ôl y canlyniadau*;
- f) cyflwyno ceisiadau am apeliadau'n unol â dogfen y CGC *Canllawiau i brosesau apeliadau'r cyrff dyfarnu*;
- g) sicrhau y rhoddir gwybod i ymgeiswyr am ganlyniadau ail-wiriadau clerigol, adolygiadau o'r marcio, adolygiadau o'r cymedroli ac apeliadau cyn gynted â phosibl;
- h) bod â gweithdrefn apelio fewnol **ysgrifenedig at ddibenion arolygu** a thynnu sylw ymgeiswyr a'u rhieni/gofalwyr ati, i reoli achosion o anghydfod pan fydd ymgeisydd yn anghytuno â phenderfyniad y ganolfan i beidio â chefnogi cais am ail-wiriad clerigol, adolygiad o'r marcio, adolygiad o'r cymedroli neu apêl;  
  
(Gall canolfan roi ei gweithdrefn apelio fewnol ar wefan yr ysgol/coleg neu fel arall gellid rhoi'r ddogfen i ymgeiswyr os byddant yn gofyn amdani.)
- i) cyflwyno dyfarniadau pwnc hwyr ar gyfer cymwysterau TAG UG ac Uwch unedol **erbyn y dyddiad cau cyhoeddedig**.

## Tystysgrifau

### 5.14 Bydd y ganolfan yn:

- a) **gofyn am ac yn cadw manylion cyswllt cywir ymgeiswyr i sicrhau bod y tystysgrifau'n cael eu dosbarthu yn gywir ac yn ddiogel;**  
  
dosbarthu tystysgrifau i **bob** ymgeisydd heb oedi a heb ystyried unrhyw anghydfod (fel peidio â thalu ffioedd). **Ni ddylai tystysgrifau gael eu cadw'n ôl heb ganiatâd blaenorol gan gorff dyfarnu a dim ond mewn amgylchiadau eithriadol iawn y bydd hynny'n digwydd.** Dylid cadw cofnod o'r tystysgrifau sy'n cael eu dosbarthu;
- c) cadw'r holl dystysgrifau nad ydynt wedi'u hawlio dan amodau diogel am o leiaf 12 mis o'r dyddiad cyhoeddi;
- d) dinistrio unrhyw dystysgrifau nad ydynt wedi'u hawlio ar ôl eu cadw am o leiaf 12 mis. Rhaid eu dinistrio mewn modd cyfrinachol. Gall canolfannau nad oes ganddynt y modd i ddinistrio tystysgrifau'n gyfrinachol eu dychwelyd i'r cyrff dyfarnu perthynol. Dylid cadw cofnod o dystysgrifau a ddinistriwyd am bedair blynedd o ddyddiad eu dinistrio. Fodd bynnag, dylid hysbysu ymgeiswyr nad yw rhai o'r cyrff dyfarnu'n cynnig gwasanaeth tystysgrifau newydd. Mewn achosion o'r fath bydd y corff dyfarnu'n cyhoeddi Datganiad Ardystio Canlyniadau;  
  
(Pan fydd corff dyfarnu'n cyhoeddi tystysgrif newydd neu Ddatganiad Ardystio Canlyniadau, bydd hyn yn rhoi cofnod cywir a chyflawn o ganlyniadau ar gyfer pob cymhwyster oedd wedi'i gynnwys ar y dystysgrif wreiddiol.)
- e) dychwelyd unrhyw dystysgrifau y bydd cyrff dyfarnu'n gofyn amdanynt. Eiddo'r cyrff dyfarnu yw tystysgrifau bob amser.

## 6 Data personol, rhyddid gwybodaeth a hawlfraint

### Data personol

- 6.1 Mae cyflwyno arholiadau ac asesiadau yn golygu bod canolfannau a chyrrff dyfarnu yn prosesu swm sylweddol o ddata personol (h.y. gwybodaeth y gellir adnabod unigolyn byw ohoni). Mae'n bwysig bod y ddwy ganolfan a chyrrff dyfarnu yn cydymffurfio â gofynion Rheoliad Diogelu Data Cyffredinol y DU a Deddf Diogelu Data 2018 neu gyfraith sy'n ymwneud â data personol mewn unrhyw awdurdodaeth y mae'r corff dyfarnu neu'r ganolfan yn gweithredu ynddi.

Cyfeirir at 'deddfwriaeth diogelu data' yn y *Rheoliadau Cyffredinol* hyn. Bwriedir i hyn gyfeirio at GPDR y DU, Deddf Diogelu Data 2018 ac unrhyw godau ymarfer statudol a gyhoeddir gan y Comisiynydd Gwybodaeth mewn perthynas â deddfwriaeth o'r fath.

- 6.2 **Rhaid** i ganolfannau ddwyn sylw ymgeiswyr i ddogfen y CGC *Gwybodaeth i ymgeiswyr – Gwybodaeth Amdanoch Chi a Sut Rydym yn ei Defnyddio*. Dylid dosbarthu'r ddogfen hon i'r holl ymgeiswyr ar ddechrau cwrs sy'n arwain at gymhwyster galwedigaethol, neu pan fydd y cofrestrïadau'n cael eu cyflwyno i'r cyrrff dyfarnu i'w prosesu yn yr achosion hynny lle mae'r ymgeiswyr yn dilyn cymwysterau TAG a TGAU.
- 6.3 Mewn achosion lle mae amheuaeth neu honiad bod camymddwyn wedi digwydd, **rhaid** i bennaeth y ganolfan neu aelod o'r uwch dîm arwain hysbysu unrhyw un sy'n ymwneud â gweinyddu, addysgu neu gwblhau arholiadau/asesiadau y bydd data personol amdanynt yn cael eu darparu i'r corff (neu gyrff) dyfarnu y maent yn ymwneud â'u harholiadau/asesiadau. Gall data personol amdanynt gael eu rhannu hefyd â chyrrff dyfarnu eraill, y rheoleiddiwr cymwysterau neu gyrff proffesiynol yn unol â dogfen y CGC *Amau Camymddwyn – Polisiâu a gweithdrefnau*.
- 6.4 Mae'n bosibl y bydd gofyn i gyrff dyfarnu ddarparu data personol ymgeisydd i asiantaethau addysgol fel yr AA, LIC, DE, yr Asiantaeth Ariannu Addysg a Sgiliau (ESFA), rheoleiddwyr, HESA, UCAS, Awdurdodau Lleol a'r Gwasanaeth Cofnodion Dysgu (LRS). Yn ychwanegol, mae'n bosibl y bydd data personol ymgeiswyr yn cael eu darparu i'w cynnwys mewn cofnod cymwysterau canolog a gymeradwywyd gan y cyrrff dyfarnu at bwrpasau ystadegol a datblygu polisiâu. Bydd y cyrrff dyfarnu'n cynnal cofnod archif cynhwysfawr o ganlyniadau arholiad ymgeiswyr. Diben gwneud hyn yw darparu llwybr archwilio o'r canlyniadau sydd wedi'u hardystio ac i gynnal cofnod cywir o gyraeddiadau unigolyn. Cyfrifoldeb y canolfannau yw sicrhau bod yr ymgeiswyr yn ymwybodol o hyn.
- 6.5 Bydd y Gwasanaeth Cofnodion Dysgu (LRS) yn darparu Rhif Dysgwr Unigol (ULN) i ddysgwyr 14 oed a throsodd. Bydd cyfleuster rhyngrwyd yn darparu ac yn dal ULN i bob unigolyn mewn addysg a hyfforddiant sy'n 14 mlwydd oed a throsodd.

Bydd yr ULN hwn yn aros gyda'r dysgwr am oes gan gefnogi'r dysgwr wrth iddo lunio cofnod o'i gyfranogiad a chyraeddiadau. Bydd dysgwyr yn gallu rheoli mynediad i'w data dysgu a'u cyflawniad eu hunain tra bydd cyrrff dyfarnu'n gallu cyhoeddi a chynnal data cyflawniad y dysgwr.

- 6.6 **Rhaid** i gyrff dyfarnu sicrhau bod data personol sydd ganddynt am unigolyn ar gael iddo pan fydd yn gofyn amdanynt, yn amodol ar gymhwyso unrhyw eithriadau perthnasol. Gall ymgeiswyr ac unigolion eraill weld eu data personol fel canlyniadau arholiadau (gweler paragraff 5.12) trwy wneud cais i swyddog diogelu data'r corff dyfarnu priodol (gweler Adran 7 am fanylion cyswllt ar gyfer pob corff dyfarnu).

- 6.7 Cyfrifoldeb canolfannau yw hysbysu ymgeiswyr o'r prosesu sy'n digwydd yn y ganolfan. Er enghraifft, y bydd y ganolfan yn darparu data personol perthnasol yn cynnwys enw, dyddiad geni, rhyw i'r cyrff dyfarnu at ddibenion arholi a dyfarnu cymwysterau.
- 6.8 Mae'r deddfau diogelu data yn cydnabod tystysgrif arholiad fel cofnod cyfoes o gyrhaeddiad. Nid yw'r ffaith y gallai enw unigolyn fod wedi newid ers dyddiad cyhoeddi'r dystysgrif yn ei gwneud yn annilys at ddibenion deddfwriaeth diogelu data.

## Rhyddid Gwybodaeth

- 6.9 Yn ôl Deddf Rhyddid Gwybodaeth 2000, caniateir i'r cyhoedd yn gyffredinol weld unrhyw wybodaeth yng nghofnodion awdurdodau cyhoeddus, oni bai bod gwybodaeth o'r fath wedi ei heithrio yn unol â darpariaethau'r Ddeddf.
- 6.10 Ystyr hyn yw bod yn **rhaid** i ganolfannau neu gyrff dyfarnu sy'n awdurdodau cyhoeddus o fewn ystyr y Ddeddf ystyried ceisiadau am wybodaeth yn unol â darpariaethau'r Ddeddf. **Rhaid** i ganolfannau sy'n awdurdodau cyhoeddus ymgynghori â'r cyrff dyfarnu perthnasol cyn datgelu unrhyw wybodaeth a gafwyd gan gorff dyfarnu, yn unol â'r Ddeddf Rhyddid gwybodaeth.
- 6.11 Nid yw canolfannau a chyrff dyfarnu nad ydynt yn awdurdodau cyhoeddus (yn ôl diffiniad y Ddeddf Rhyddid Gwybodaeth) yn amodol ar ei gofynion. Fodd bynnag, bydd gwybodaeth a gedwir ar ran awdurdodau cyhoeddus eraill megis DfE neu Ofqual hefyd o fewn cwmpas y Ddeddf. Dylai canolfannau a chyrff dyfarnu gydweithredu â'r awdurdod perthnasol mewn perthynas ag unrhyw gais am wybodaeth o'r fath.

## Hawlfraint

- 6.12 Mae hawlfraint ar holl bapurau cwestiynau, asesiadau ar sgrin ac asesiadau cyfrifiadurol cyrff dyfarnu a'r corff dyfarnu sydd berchen ar yr hawlfraint honno. Oni nodir yn wahanol mewn unrhyw bapurau cwestiynau pwnc-benodol, mae'r cyrff dyfarnu yn caniatáu i'r canolfannau gael trwydded anghyfnygedig, na ellir ei throsglwyddo. Mae'r hawl ganddynt wedyn i ddefnyddio'r papurau cwestiynau at yr unig bwrpas o baratoi grwpiau o ymgeiswyr at y dyfodol ar gyfer ffug arholiadau neu brofion mewnol eraill yn y ganolfan.
- 6.13 At ddibenion cyfrinachedd, **rhaid peidio** â rhyddhau papurau cwestiynau i bersonél y ganolfan i'w defnyddio dan delerau'r drwydded uchod tan **ar ôl** amser gorffen swyddogol y corff cyfarnu ar gyfer yr arholiad, neu mewn achosion lle mae amrywiad ar yr amserlen, tan y bydd yr holl ymgeiswyr yn y ganolfan wedi cwblhau'r arholiad. **Nid** yw hyn yn golygu bod personél awdurdodedig y ganolfan wedi'u hatal rhag cael mynediad at bapurau cwestiynau ar gyfer cynnal arholiadau.
- 6.14 Gall deunyddiau a gyflwynir i'w hasesu gynnwys gwaith ysgrifenedig, deunyddiau sain a gweledol, rhaglenni cyfrifiadurol a data mewn unrhyw ffurf ("Deunyddiau Asesu"). Yr ymgeisydd ei hun sydd berchen ar hawlfraint unrhyw ddeunyddiau asesu y mae'r unigolyn hwnnw ei hun yn eu creu.

- 6.15 Er mwyn gallu defnyddio deunyddiau asesu'r ymgeiswyr bydd pob canolfan yn gofyn am gydsyniad pob ymgeisydd i ganiatáu i'r corff dyfarnu gael trwydded anghyfyngedig, heb freindaliadau. Gall y corff dyfarnu wedyn ddefnyddio'r drwydded honno (y "Drwydded Asesu") fel a ganlyn:
- i. daw'r drwydded asesu i rym pan fydd yr ymgeisydd yn cyflwyno'r deunyddiau asesu perthnasol, ar ba bynnag gyfrwng neu ffurf;
  - ii. mae hawl gan y corff dyfarnu i ddefnyddio deunyddiau asesu o'r fath at ddibenion:
    - a. asesu ymgeiswyr o'r fath a'u deunyddiau asesu ("Asesu'r Ymgeisydd"); **a**
    - b. darparu gwasanaethau addysg a hyfforddiant i eraill;
    - c. ymchwil.
  - iii. mae hawl gan y corff dyfarnu i awdurdodi is-drwyddedu ei hawliau dan adran 6.15(ii):
    - a. i arholwyr trydydd parti at ddibenion asesu ymgeiswyr; **ac**
    - b. i ddarparwyr gwasanaethau TG trydydd parti at ddibenion canfod achosion posibl neu achosion a amheuir o gamymddwyn.
  - iv. mae hawl gan y corff dyfarnu a'i is-drwyddedigion i atgynhyrchu'r deunyddiau asesu ar unrhyw ffurf neu gyfrwng, yn gyfan gwbl neu'n rhannol, at ddibenion ymarfer eu hawliau dan y drwydded asesu;
  - v. mae hawl gan y corff dyfarnu, at ddibenion darparu gwasanaethau addysg a hyfforddiant i eraill, i addasu, cyfieithu neu wneud newidiadau eraill i'r deunyddiau asesu er mwyn bodloni anghenion penodol;
  - vi. mae hawl gan ymgeisydd i hysbysu corff dyfarnu, drwy hysbysu'r ganolfan ei fod am derfynu hawliau'r corff dyfarnu y cyfeirir atynt yn adran 6.15(ii)(b), (c) a gall y corff dyfarnu yn ôl ei ewyllys benderfynu a yw am derfynu hawliau o'r fath ai peidio; **a**
  - vii. nid oes hawl gan ymgeisydd i derfynu hawliau'r corff dyfarnu y cyfeiriwyd atynt yn adran 6.15(ii)(a).
- 6.16 Bydd y deunyddiau asesu naill ai'n cael eu hasesu'n fewnol gan athrawon yn y canolfannau (y bydd eu marciau'n cael eu cymedroli) neu'n allanol gan arholwyr. Bydd unrhyw ddeunyddiau asesu o'r fath yn cael eu gwneud yn ddiennw er mwyn sicrhau nad oes modd adnabod yr ymgeiswyr. Os bydd unrhyw ddeunyddiau asesu at ddibenion asesu ymgeiswyr ym meddiant canolfan neu drydydd parti, bydd y deunyddiau hynny'n cael eu dal ar ran y corff dyfarnu. Ni fydd y ganolfan na'r trydydd person yn caffael unrhyw hawliau heblaw'r hyn a ganiatawyd yn unol â'r drwydded asesu.
- 6.17 Cyn cyhoeddi neu ddatgelu deunyddiau asesu mewn unrhyw ffordd arall i drydydd parti mewn unrhyw gyfrwng neu ffurf, gan ddefnyddio unrhyw ddeunyddiau asesu at ddibenion darparu gwasanaethau addysg a hyfforddiant i eraill, bydd y corff dyfarnu'n gwneud deunyddiau asesu o'r fath yn ddiennw. Mae hyn yn unol â'r drwydded asesu ac yn sicrhau nad oes modd adnabod yr ymgeisydd.
- 6.18 Rhaid i bob canolfan gyflwyno'n brydlon i'r corff dyfarnu unrhyw hysbysiad y bydd yn ei dderbyn gan ymgeisydd y cyfeirir ato yn adran 6.15(vi).
- 6.19 Yn unol ag adran 6.15, pan fydd deunydd asesu'n cael ei gyflwyno'n ffisegol i'r corff dyfarnu, eiddo'r corff dyfarnu ydyw (yr "Eiddo"). Dim ond pan ddefnyddir y trefniadau dychwelyd sgriptiau a nodir yn paragraff 5.13 y gellir dychwelyd yr eiddo hwn.

## 7. Manylion Cyswllt

### **AQA**

Devas Street  
Manceinion  
M15 6EX

[www.aqa.org.uk](http://www.aqa.org.uk)

### **City & Guilds**

Giltspur House  
5-6 Giltspur Street  
Llundain  
EC1A 9DE

[www.cityandguilds.com](http://www.cityandguilds.com)

### **CCEA**

29 Clarendon Road  
Clarendon Dock  
Belffast  
BT1 3BG

[www.ccea.org.uk](http://www.ccea.org.uk)

### **OCR**

The Triangle Building  
Shaftesbury Road  
Caergrawnt  
CB2 8EA

[www.ocr.org.uk](http://www.ocr.org.uk)

### **Pearson**

80 Strand  
Llundain  
WC2R 0RL

<https://qualifications.pearson.com/en/home.html>

### **CBAC**

245 Rhodfa'r Gorllewin  
Caerdydd  
CF5 2YX

[www.cbac.co.uk](http://www.cbac.co.uk)